

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Eremitæ, in miraculo pane, suum meritum, & peccatu[m] ostenditur.

urn:nbn:de:hbz:466:1-45653

tur. Itaque marina illud, mellis in aliorum palato, piperis in aliorum, in aliorum piscis, in aliorum carnis, in aliorum melopeponis, aut alterius suauissimi fructus saporem efficiebat. Renouatum est hoc miraculum non semel tantum, apud Christianos; Deo suis prouidente, & tanquam paruulis lac aut melimela dante. Nam pueris melimela damus; & crustula; elementa velint ut discere prima.

Horat.lib.1.
Sat. 5.

V.

Pallad.c.46.
& seq. in
Lausiac hist.
qui vixit An.
390. tempo
re S. Hiero.
nymi, quem
etiam citat
Epiphan.ep.
ad Io. Hie-
rosolymita-
num.

Dulcissimi eiusemodi panis & accepti, & perditu memi-
nit etiam, apud vetustissimum authorem Palladium, in Lausiaca
historia, Ioannes Thebaidis clarissimus illustrator, his verbis:
*Fuit quidam monachus, (imitatione Christi, ad iejunandum, in de-
sertum secedentis) qui in eremo hac, qua præ ceteris interior est, ha-
bitabat. Hic dum plures annos in abstinentia perdurasset, & proueltu
tempore, prope iam ad senilem venisset atatem, omni virtutum flore ad-
ornatus, ac totis continentia magnitudine sublimatus: cum orationis
bus & hymnis sedulo Deo seruiret, tanquam emerito militi suo Dominus
remunerationes parat, utpote qui in corpore adhuc positus, ad instar
Angelorum incorporeæ vita fungeretur officijs, & dignum indicans an-
nonam cœlestem præbere in deserto ei, qui cœlestem Regem per uigibus
præstolabatur excubij. Quod & Christo factum est, cui, postquam
40. dies iejunauit, Angelii, cibos vtique esuriensi, ministrauerunt.
Volens ergo Deus, qui olim, in deserto Israëlitis è nubibus, Eliæ,
per coruum, panem suppeditauit, etiam in hoc seculo remunerare
eius Monachi fidele proposiū, ad prouidentia sua sollicitudinem quoti-
diani vietū eius renocat curam. Vi enim ei cibi usum proposuissest na-
turae necessitas, ingrediens speluncam suam inueniebat mensa panem su-
perpositum, mira suavitatis, omnes mundi delicias superantis, mira-
candoris: ex quo refectus, non surrexit londere, non saltare & cho-
reas ducere, non poposcit fritillos; sed, in exemplum, eorum,
qui saturati & saturandi Deum laudant, gratias diuinae præstantia
referens, rursus ad hymnos & orationes conuertebatur. Ad quem
divina etiam reuelationes, multaq; de futuris rebus, à Deo præmoniti-
nes siebant. Quām benè monuit Apostolus: *Quis stat, videat, ne ca-
dat?* Siquidem etiam sanctissimi viri nonnulli, diabolo tentante,
ceciderunt. Quod etiam huic eremicolæ accidit. In his enim tali-
bus & tanti profectibus positus, quia sibi placere ac gloriarri quasi de me-
ritis suis coepit, & cœlestis beneficij munus, vita sua debitum dixit, la-
xatae sunt tentatori habenæ. Qui, ut mille artifex, quasi tenui te-
rebra, initio parvum, ac sensim maius foramen facturus, ab exi-
guis*

Matth. 4.

1. Cor. 10.12

guis censuit ordiendum. Itaq; continuò subintrat cum parua quadam
desidia animi, tam parua, quam nec posset aduertere. Post hac (ve
sensim & per gradus iretur) crevit maior negligentia, ita ut tardior
iam fieret ad hymnos, sed & ad orationem pigrius surgeret; psalmi
quoq; ipsi non ea, quā prius, vigilantiā ab ipso canerentur, sed ubi parum
quid exhibitum fuisset soliti ministerij, anima eius quasi nimo labore fa-
ngata, requiescere festinabat: quia sensus eius reprobis effectus, de sub-
limioribus ad inferiora ceciderat, & cogitationes sua per diuersa cum
precipitia rapiebant. Erat enim iam in corde eius clandestina quedam,
turpis ac nefanda cogitatio, consuetudo tamen prior; velut si decursus
aque, etiam cessante remigio, adhuc priore impetu nauigium ferat, ita &
vetus institutio ad consueta hominem officia trahebat. Ob quam cau-
sam & stare adhuc in suo statu videbatur. Hic ergo, cum post orationes
cibum solito requisisset ad vesperam, ingressus locum eum, in quo refici-
consueverat, inuenit solito panem mensa superpositum, ex quo refectus.
nihil eorum, que in corde suo versabantur, emendatione curauit, neq;
immutationis sua damna persensit, sed spernentem se minima, paulatim
casurum non intellexit. Interea, cum graui iam libidinis incendio sti-
mularetur, & inflammatus turpi concupiscentiā raperetur, rursus ad
seculum, illā interim die cohibuit se, & solita hymnorū & orationū
ministeria ex more persoluit, atq; ingressus ut cibum sumeret, panem
quidam inuenit mensa superpositum, sed aliquantulo sordidiorē; ad-
miratus est, & tristis effectus: intellexit enim quod ipsum reficeret, hoc
genius monstrij, tamen cibo sumpto refectus est. Post diem tertium tripli-
cati usgeri stimulis coepit: occupauerat enim cogitationes eius quasi iā
presentis, & secum posita, secūmq; accumbentis imago mulieris, quam
complecti sibi videbatur, & ad turpes usus habere substratam. Proces-
sit tamen & sequenti die ad solita psallendi & orandi officia, sed stabat
oculis, & mente captiuus. Cūmq; solito ingressus ad Vesperam requi-
rerebat cibum, panem quidem inuenit super mensam, sed sordidissimum ac
aridissimum, & quasi à muribus vel canibus vndiq; corrosum. Tunc ille
ut hoc vidit, ingemuit, & lacrymas fudit, sed non ita ex corde, nec ita
überes, que possent flammati tanti ignis extinguere. Verum tamen su-
bit cibum, sed neq; quantum volebat, neq; qualem solebat: cum inte-
rim cogitationes eum, tanquam cohors barbarica, vndiq; circumuallant,
& omni ex parte in eum tela iaculantur, ac vinclum captiuūm eum
ad seculum retrahunt. Exurgens ergo, coepit iter agere noctu, per ere-
num, & tendere ad ciuitatem: sed ubi dies facta est, ciuitas quidem
longe

longè adhuc aberat. Ipse verò cum rapidissimo æstu coqueretur, & faci-
garetur in eremo undiq; versus, considerare oculis cœpit, & requirere,
sicubi esset in vicino monasterium: & cum conspexisset fratrum quorun-
dam cellularam, tendebat illuc, ut apud eos requiesceret. Quem ubi ad-
esse senserunt serui Dei, continuo procurrunt in obuiam, & velut An-
gelum D E I excipientes adorant, pedes lauant, ad orationem inuitant,
mensam ponunt, atq; omnia secundum diuinum mandatum complent
charitatis officia. Verum ubi refectus est, & paululum requieuit, ex
more quasi ab eruditissimo & opinatissimo patre cœperunt Verbum adia-
ficationis expetere, ac monita salutis inquirere. Interrogauerunt quo-
que eum, quomodo quis diaboli laqueos possit effugere, aut si quando
turpes iniecerit animo cogitationes, quomodo depelli possint & abiisci. Tum
ille, ut compulsus est monita fratribus dare, & salutis eos viam doceres
ac de insidijs demonum (quas Seruis Dei intendunt) facere sermonem,
illos quidem plenè & sufficienter edocuit, sibi verò ipsi stimulus compuni-
ctionis incendit, & in semetipsum regressus ait: Quomodo ego alios mo-
nebo, & ipse decipior? aut quomodo alios corrigo, qui meipsum non emen-
do? Age ergo, miser, facito ipse prior, qua facere alios doces. Cūq;
huiusmodi increpationibus uteretur aduersus semetipsum, & intellexis-
set, se miserabiliter supplantatum, valedicens fratribus, continuo se
rapidissimo cursu in eremum dedit, & ad speluncam, de quā discesserat,
redit: prosternens se Domino in oratione, dicens: Nisi Dominus adiu-
uisset me, paulo minus habitasset in inferno anima mea. Et iterum:
Paulo minus fui in omni malo, & paulo minus consummauerunt me, in
terra. In hoc vero completum est, quod ait Scriptura: Frater fratrem
adiuuans exaltabitur, ut ciuitas munera & fortis. Frater qui adiuuat
fratrem, quasi ciuitas firma, & indicia quasi vētēs urbium. Post hac
ergo permanxit omni vitâ sua in luctu & lacrymis, videns diuinitus sibi
concessum cœlestis, mense beneficium perdidisse: cœpit enim in labore rur-
sus & sudore vultus sui manducare panem suum. Conclusit autem se
intra speluncam, atq; in cilicio & cinere iacens, tamdiu lugens flēnsq; per-
mansit in orationibus, donec assistens ei Angelus Domini, diceret ei: Sus-
cepit Dominus pœnitentiam tuam, & repropositatus est tibi: sed caue ne
ultra elatus decipiaris. Venient autem ad te fratres, quos tu ipse docu-
sti, deferentes tibi benedictiones, quas suscipere ne recuses, & sumens
cum eis cibum, age gratias Deotuo.

V I.

Multorum fructuum hortus est hoc exemplum. Ex eo de-
cerpi potest cognoscique primò, cura Dei, qua, in deserto, deser-
tos alit,